



Jumat, 18 Desember 2020

Ogen: Jesaya 59:1



"Tuhan Mere Gegeh"



Lit kesaksin sekalak moria, i ja i bas dua bulan si lewat perbulangenna idilo Dibata. Seminggu kenca perbulangenna ikuburken, anakna sintua kecelakaan paksa mulih ku Pekan Baru. Emaka mis idahi moria enda anakna ndai ku Pekanbaru, ras inganina anakna bas ruang ICU perban kritis kel keadaanna. I bas wari si peteluken ia ngiani anak na bas ruang ICU datna me telpon arah anakna si nguda i Jakarta, bahwa anakna e i pecat perusahaanna nari perban terkena PHK faktor pandemi. Emaka tangis me moria enda, ertoto ia i samping anakna i ruang ICU e nina, "o Tuhan, kai nari me ateNdu siibahanNdu man bangku, perbulangenu lanai lit, anakku sintua kritis, anakku si nguda i PHK, sampati aku Tuhan, banlah aku megegeh ngaloken kerina e," enda me toto sekalak moria ndai. Adi siukuri secara doni, kune kejadiin enda seh man banta, banci saja kita la ngasup ertoto bagi sekalak moria enda, banci lit sinalahken Tuhan, lit si putus pengharapen, lit si mis ndarami kalak pentar, tapi moria enda tetap erpengendes man Tuhan mindo perkuah ateNa. Bali bagi kata Dibata i bas Jesaya 59:1e. Piga-piga wari dung moria ndai ertoto, ermalemna anakna sintua ndai, nggo banci pindah ku ruangen biasa, ras anak na singuda pe nggo ka dat panggilen kerja I bas Ingan si baru. Teklah kita, kalak si erpengendes man Dibata ibanNa megegeh ras ibegikenNa pertotonta. Si inget nge lagu KEE 360,rendeken kentisik alu setengah sora, I bas Tuhan aku megegeh, Tuhan me kupujiken, Tuhan me jadi gegehku, I bas Ia lit kesenangan, i bas Ia lit kesenangan. Bas Dibatas ngenca sidatken gegeh simbelinna simabai kita ku kesenangan si tuhu-tuhu. Kesenangan bas doni enda kentisik enca banci jadi gegeh, tapi adi ras Dibata kiniseranta mabai gegeh si mbelin adi kita erpengendes man baNa.